



**Ains Erbern Rats der Statt Augspurg, Ernntlich ansehen,  
Satzung vnnd erkandtnuß, wider die laster vnd befleckungen  
des vblen Gotslesterns, schwörens, z?trinckens,  
vberflüssigen füllens, Eebruchs, auch ergerlicher h?rerey, vnd  
annders, fürgenommen.**

<https://hdl.handle.net/1874/425352>

Je  
Uns Erbern Rats der Statt  
Augsburg/Ernstlich ansehen/Satzung vnder  
Landtnuß / wider die laster vnd besleckungen  
des vblen Gotslesterns / schwörens / zü-  
trinckens / vberflüssigen füllens / Ee-  
buchs / auch ergerlicher hür-  
erey / vnd annders / für-  
genommen.

M. D. XXIX.



**N**Es hienorain Erber Kate der Statt Augspurg/  
neben andern bösen gethatten vnd mißhandlung/  
en/die häßigen vnnnd verdampfte Gotslethern/bey  
sein hailigen gelidern / vnd annder böse Schwüre/  
Auch das freuenlich zürincken / vnbillich vnnnd überflüssig  
füllen / ernstlich verpotten / vnd demnach sich versehen / es  
solte meniglich / nit allain gedachtem gepott / als von der  
Oberkeit angesehen / erkandt / vnd offentlich berüefft / Son-  
der auch dem wort Gottes nach / dweil doch das täglich vnd  
offenbar / wider solche / dergleiche / vnd andere / mißthaten /  
vnd laster / geprediget wirdet / vnd die / bey verwürckung vn-  
ser Seel hail / am höchsten auch verpeüt / gehorsam erscheinen  
sein / sich von den / vnd andern sündelichen besleckungen / vñ  
lastern / abgewendt haben / das alles layder bissher / nit als  
lain nit volzogen / Sonder bey manns vnd weybs / alt / auch  
jungen personen / ye lennger ye mer eingerisen / vnd also / be-  
schwärlich zū meldn / schier weder forcht / scham / noch ainich  
entsetzen / hierinn gehalten / noch gehabt werden will / Dar-  
durch on zweyfel / Got der Herr über solh vnd ander vnnsere  
missethat vnd sünde / größlich erzürnet / vnd mit ernstlichen  
vnd gangschweren straffen / als durch die grossen Teürun-  
gen / vorn ye erhöriten tödelichen krankheiten / Auch den  
grewlichen wietrich den Türcken / vergießung vil Christen  
lichs plüts / vnd als zū besorgen / noch in annder meer wege /  
hefftiglicher fürgeen werde / Demnach auß sollichen vnor-  
denlichen vnd vnbillichen mißhandlungen vñ überrettun-  
gen / wa den / in annder wege / nit entgegen gangen wirdt /  
noch vil beschwerlicher ers volgen vñ entsteen möchte / So will  
demnach ain Erber Kate / die vorigen ordnungen / erkande-  
nussen / vnd sazungen / Auch berüefft / vnd verkündungen /  
alle Gotslethern / schwür / fluchen / freuenlich zürinckn /  
vnd überflüssig füllen / belangend / hierinnen / wider äfert /  
Auch meniglichen vmb der Eer Gottes willen / vñ in krafft

gepürender Oberkait / auf das höchst / seine vorausgangen  
vnd yezo verneweten ordnungen / erkandt nussen / vnd sa-  
gungen / zü geleben vnd nach zükömen / vermanet / derohal-  
ben ernstliche warnung gethan / vñ also ferrer von newem /  
wiehernach volgt / geordnet / gesetzt vnd erkandt haben.

Ob yemandt wer der wäre / solch obgemelt gemain vnd  
sonder geschafft / vnd gepott / hinfüro übertretten / nicht hal-  
ten / vñ darüber freuenlich / Got den Allmechtigen / sein haili-  
ge gebenedeyte geperer in die Junctfrawen Maria / oder  
die erwölten lieben hailigen / lestern / bey dem leychnam / ley-  
den / marter / plüt / schweiß / macht / crafft / oder bey den in-  
nern / oder außern gliedern / dem hailigen Sacrament / oder  
sunst vnchristlich lesterung / schwören / oder fluchen / thün  
wurde / der soll nach gestalt vnd gelegenheit der sachen / hin-  
füro / zü yederzeit / an güte / Eere / leyb / oder leben / ernstlich ge-  
strafft werden.

Wa auch yemandt / ainer andern person / hohen oder ni-  
dern Standes / vneruolgt ainichs gepürenden rechtens / zü  
schmach vnd verletzung irer Eeren / oder sonst / schandliche  
Lieder / Sprüch / Reymen / oder ainich annder lasterschrifft /  
oder gedicht / machen / aufbringen / schreiben / trucken / spre-  
chen / singen / anschlagen / oder sonst in ander wege / gebrau-  
chen wurde / in was gestalt das beschehe / der oder die / sollen  
auch darumb / nach gestalt der sache / an güte / Eer / leyb / oder  
leben / hertigklich gestrafft werden.

Es solle auch nyemand / weder in diser Statt / noch außser  
halben / den andern / mit ernstlichen / oder gleichwol schimpf-  
lichen worten / noch in ander wege / zü freuenlichen vnd vn-  
zymblichen zü trincken / vnd überflüssigen füllen / mit ganz-  
en / halben / oder ainichen anndern klainen / oder grossen

anzalen/weins/biers/oder medts/weder müssen/nöthen/  
tringen/manen/bedeüten/stupffen/noch in kainen andern  
wege/wie das menschen sinne erdencken mag/bewegen/  
auch beyder Straffe ains Erbern Rats/so er deshalben für  
sich selbst/setzen/vnd bestymmen/oder die/so er darzū verord-  
net/auff erfahrung des übertrctens/zū yeder zeyt darauff  
ansehen vnd erkennen werden/

Welher auch mit Wein/Bier/oder Medt/überfület/  
vñ truncken/darauß ergernuß/oder andersübel entsteen/  
in diser Statt auf der gassen betretten wurde/der solle ange-  
nommen/auf ain thuren gelegt/vñ ain zeit lang/mit was-  
ser vnd Prot/ine daselbst wider zū gepürender nüchterkait  
vnd beschaidenheit/nach ansehen vñd erkandnuß/Wie  
obsteet/zubringen/gehalten werden.

Es sollen auch alle Burger vnd innwoner in diser Statt  
Augsburg/vñ insonder/baiden gesellschafft Stubentknecht/  
Desgleichen alle Wein/Medt/vnd Bierschencken Wirt/  
auch verwalter der zunfft/vnd annder offen Wirts/oder  
sonder heußer/daselbst man/Wein/Bier/oder Medt/vom  
zapffenschenckt/oder sonst trinckt/bey iren Aydspflichten/  
diesy jährlich den Burgermaistern/im Ampt schworn/schul-  
dig sein/Alle vñ yede/so sich des freuenlichen vnd vnbillichen  
zū trinckens/vnd überflüssigen füllens/bey iren/vnd iren  
bewonungen/vndersteen/als vil sy der sehen/vnd so offte sy  
die/der ort/erfaren/von solhem laster vnd übel abzustecken/  
sich des zū müessigen/trewlich zū vermanen vnd zū warnen/  
Wa aber yemandt/über vnd wider solch vermanen vñ war-  
nen/mit dem/den/oder dergleichen freuenlichen zū trinck-  
en/vnd überflüssigem füllen/fürfaren wolt vnd wurde/das  
solle auch ain yeder obgenannter/den vorgedachten Bur-  
germaistern/eegerürter massen anzuzaign verpflicht sein/

Wa aber dasselb anzaigen/wie gemelt nit beschehe/alsd an  
sollen die/so das gethan haben solten/ auch nach gestalt der  
sachen gestrafft werden.

An allen vnd yeden verordneten vñ gepotten feyrtagen/  
sollen alle Wirt allhie/so Wein/Wedt/oder Bier/sail ha-  
ben vnd verkauffen/weder Burgern noch inwonern/in di-  
ser Statt/ Semalen die predigen vor mittag verbracht sein/  
in jren behaüfungen oder bewonungen/Wein/medt/oder  
Bier/zü trincken/gestatten/nach deshalben zü egerürter  
zeit/nyemandt/weder setzen noch halten/Sonder wer das  
überfert/der solle von yedem überfaren/bemeltem Kate/  
zwen guldin Reimischer bezalen. Doch sollen hierinn Franck  
leüt/auch die heinigen so weck ziehen/vnd frembd Gôst/die  
bey den Wirten zern/aufgenommen sein/Vnd solle auch zü  
obgemelter zeit/kain gepandter wein/weder sail gehabt/  
verkaufft noch außgeben/vnd sonnst den voüigen gepotten  
deshalben außgangen/hinsüro auch gelebt werden.

Es sollen auch die bemelten Wirt weder an Feyer noch  
wercktagen/zünächtlicher weyl/so die glocke Newnegesla-  
gen hat/vnd darnach/nyemand/weder Wein/Bier/nach  
Wedt/zü trincken/setzen/nach in jren Wirtshewsern vnd  
bewonungen/ausserhalb der Gôste/so bey inen zü Her-  
berg ligen/dermassen halten/bey der straff von yedem über-  
faren ains guldin Reimischer.

Vnd damit die übel vñ misserhat/als vil mögklich ist/von  
den menschen abgewendt/das lob vnd die Eere Gotes/des-  
gleichen die verordnet Christenlich liebe/destmer gepflanzet/  
vnderhalten/vñ gemert/Auch has/neyd/zorn/widerwill/  
empöung/vnd ander Sünde/verhüet werden. Will ain  
Erber Kate/auß schuldiger pflicht/menigklich/vor dem la-

ster des Eebuchs/ andern bösen gethatten/ vnd sachen/ sich  
abzuwenden/ vnd zu Gote/ vnd seinem Göttlichen wort/ zu  
keren/ fleissiglich vermanet haben/ Dann bemelter Kate/  
Statthafft/ vnnnd etlich meer leute/ weder bisher beschehen  
ist/ verordnet/ vñ den ernstlich beuolhen hat/ nit allain auff  
die vnzymblichen lösterer/ schwöier/ flücher/ freuenlich zu/  
trincker/ vnd überflüssigfüller/ sonder auch auff die Eebrech  
er/ von Mannen vnd Fraüen personen/ fleissig/ vnnnd güc  
auffsehen vnnnd mercken zu haben/ Also die/ so dermassen/ in  
ainem oder meer stucken/ mishandlen vnd schuldig sein/ den  
ihenigen die ain Erber Kate darzu genommen hat/ vnd hirt  
für odarzu nemen wirdt/ fürzübringen/ vñ anzuzai gen/ die  
selben auch fürtter/ mit den/ nach gestalle der Sachen/ mit  
straff/ ernstlich handeln sollen/ wie inen dann bemelter Ka  
te beuolhen hat/ Solchs menigklich zu hergen führen/ vnd in  
gedechtnuß halten soll/ sich also vor ernstlicher straffe/ auch  
merer spot/ schande/ vnd schaden/ so darauß erfolgen/ wis  
sen hab zu verhüeten.

Ob auch ain oder mer/ ledigs/ oder wittibstands/ sich mit  
Eeleüten/ von Mann/ oder Fraüen personen/ inn/ vnd mit  
dem Eebuch/ auch besflecken/ vnd des sündlichen werck mit  
denselben pflegen wurde/ der/ oder die/ sollen auch hin für/  
gleich als Eebrecher/ gepüest/ vnnnd die ihenigen so ergerlich  
vnd vneelich mit ainander haüsen/ bey ainander wonen/  
oder ain ander offenlich sonst zu der hürerey auffenthalten/  
Auch die/ so zu solchen obgemelten bösen gethatten/ hilfflich  
rätlich/ oder fürderlich sein/ darumb ernstlich gestrafft wer  
den/ dann ain Erber Kate solchs fürtter hin kainswegs ges  
dulden noch leyden will.

Vnd damit zu abwendung vnd aufreytung/ aller vnd  
yeder obgemelter besfleckung vnd laster/ dest ernstlicher/ mit  
iiiij



straffe / vnd in ander wege / gehandelt werde / So hat eger  
rürter Rat / ferrer geordnet / vnd gesetzt / das meniglich /  
jme / vnnnd gemainer Statt Augspurg verwandt / bey sein  
burgerlichn Aidspflichten / so man jährlich den Burgerma  
stern / schwört / schuldig sein / wann yemandt den andern / in  
ainem oder meer vorbestimbten laster / besleckt / verdacht /  
oder argtwenig sehen / vnd befinden wurde / dieselb person /  
davon abzustecken / auff das erst / vnd ainmal / mit trewen /  
vnd büederlich vermanen / vnd warnen soll / vnd ob die selb  
persone / so also vermanet vnd gewarnet / von solcher sündt  
lichen gethate / mit abstecken wolt / Alsdann solle der oder die /  
so vermelt vermanung vnd warnung gethan hat / solches /  
mergedachten Burgermaistern / bey dem Ayde / anzuzai  
gen auch verpflichtet sein / Vnnnd ob yemandts werder wäre /  
ain oder mer persone / von wegen bemelts vermanens / war  
nens / oder anzai gens / mit worten oder wercken / belaidigē  
schmeben / oder schenden / wie oder in was gestalt sich das ge  
füegen wurde / dieselben / sollen vmb solchs auch ernstlich ge  
strafft werden / Doch hierinn außgenomen / das nyemandt  
auß seiner heußlichen bewonung / was er darinn / von den  
seinen / vnd seinem gepröten haußgefind / vnd dergleichen /  
das haußgefind von seiner herrschafft / oder maisterschafft /  
sihet / oder hört / ermelter massen / weder fürzutragen / noch  
anzüsagen verpunden sein soll / in ainich wege.

Aber daneben ain yeder Burger vñ inwoner diser Statt /  
vnd derselben gepiete / seine kinder / erhalten / vnd beywonen  
de / aller vnnnd yeder obgemelter ordnung / erkandtnuß / vnd  
sagung / treulich vnderrichten / Auch die / vor den / vnd an  
dern vnbeschaidenhaiten / leichtfertigkeit / beslecktungn /  
vnd lastern / warnen / vnd als vil jm möglich ist / die verhüte  
ten / damit eger rürter Rat / gegen den / so sich derselben vnbes  
chaidenhaiten / leichtfertigkeit / beslecktungen / vnnnd la

ster/in jren heüßern vnd bewonungen/oder an andern orten  
vnderfahen/Es sey enjung oder alt personen/mit ernstlich/  
er Straffe/wie voisset/zü handeln/nit verursachet werde.

Es solle auch meniglich vnser hailigen Chüstlichen ge/  
laubens/vnd Gödelicher Euangelischer leer halben/den an/  
dern/nit schmähen/noch mit freyenlichen/hizigen/aufrü/  
rischen/noch schentzierlichen worten/an sein Eeren anta/  
ffen/Auch den Predicantendieweylsypredigen/vorder ver/  
samlung offentlich nit einreden/Sonder was sich derohalben  
zwischen yemandt/reden zütragen vnd begeben/sollen sich  
dieselben/in solhem/mit vnd gegen ain annder erbarlich/  
freündlich/fridlich/vnd beschaidenlich halten/dann wer  
das überfaren/der wurde auch darumb ernstlich vnd her/  
tiglich gestrafft werden.

Doch will ime egerürter Kate/in dem allem vnd yedem/  
allwegen vn zü yeder zeit/sein Oberkait/Auch ferrer güte an/  
sehen/erkantnuß/satzung/minderung/merung/vn in an/  
der wege/gepürend enderung zü thun/vorbehalten haben.

Verüefft auf Sonntag den Fünff/  
ten tag des Monats Decembis  
Anno 1628.

185770

Handwritten text, likely bleed-through from the reverse side of the page. The text is mirrored and difficult to decipher.

Handwritten text, likely bleed-through from the reverse side of the page. The text is mirrored and difficult to decipher.

Handwritten text, likely bleed-through from the reverse side of the page. The text is mirrored and difficult to decipher.



